



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四七四

勤約堂文集十二卷 甘揚聲 撰

一

喜聞過齋文集十二卷 李文耕 撰

一〇九

桃花山館吟稿十四卷 郎葆辰 撰

二六七

心鐵石齋存稿四十卷附聯句詩一卷年譜一卷 宋鳴琦 撰

四二五

貞定先生遺集四卷 莫與儔 撰

七二七

序

昔尼父之繫易也曰修辭立其誠居則曰辭達而已矣文章至要大約不越二義古人未嘗沾沾以文市斷無蓄道德而不能文者情深而文自明惟誠故達惟達無不本於誠也後之學者弗審此旨妄假立言以自逞而古文一途羣據以爲爭壇坫取聲名之具分門別戶各樹旗幟以飾智而驚愚於是乎著述之家千歧百出充棟汗牛幾於莫可紀極而古文之真自此遂亡顧其間豈無一二沈潛純粹之士恢宏闊達之儒尋墜緒於微茫挽狂瀾於既倒然往往寡不敵衆而循流而能溯源

片

或幾乎希矣詎知君子恥其言而過其行雖以至聖猶自謂辭命不能立言一說乃旁觀之定論非當局之所安我朝取士雖踵前代開科之法而學宮所頒垂爲

典訓者仍必以品行定其優劣蓋綦嚴哉甘君實

求先生余甲寅同榜友喬居撫之崇仁家世敦行不怠深有得於文之本而迥異乎末學之所爲往者都門聚首晨夕過從意氣卽甚相得厥後先生出宰河南澠池祥符杞等縣遂爾分袂不復會晤而其治績播諸傳聞藉藉人口無非真心一片相與推暨洎解組歸余亦久謝軒冕先生時以書問交相往來無間曾示余時文稿

及澠池書院課藝婁東文徵諸刻類皆有道之符茲捐館五稔矣追思數十載知交如先生者都歸凋謝而余猶潦倒末路諸多拂意讀唐人訪舊半爲鬼驚呼熱中腸句不勝欬獻今秋忽接令嗣子和書以所刻先生勤約堂古文集來索余序余既素仰先生之高茲其行誼見於集中者又皆卓然與古爲徒洵有不可磨滅之英光照耀人寰而其文悉足以相副誠與達殆兼至焉子和能表揚其先人於以嘉惠來學並不愧爲賢哲世有鍾子期自當於絃外契伯牙高山流水之志無俟老夫更置一辭而或者第以尋行數墨夫之非惟淺之乎測

序

二

先生母乃重以掩先生而先生之眞固昭然矣後之覽者其必以余言爲知先生也年愚弟黃因蓮

甘實求先生墓表

謝蘭生 子湘

公姓甘氏諱揚聲字敬符號抑樓學者稱實求先生先世居南豐後遷崇仁南鄉袁坊村曾祖秉彝祖瑞珍父棠貢士以學行稱荒亭還金事尤著也公中乾隆五十九年舉人官河南杞縣知縣嘉慶二十五年休於家道光十七年六月二十八日卒享年七十有七是年十二月十九日塋於祖塋公嚴毅敏辨博學有經世才嘉慶九年知湯陰雪項城誣媳戕姑之獄十一年補澠池懲胥吏藉運餉爲奸者訓士以經史實學澠人化之故相

勤約堂文集

一

長公齡撫豫調公祥符力辭不得澠興春有來期公無還時之謫未幾他大府至爲同官所中傷澠父老赴大府轅乞公復任弗許命董濬賈魯河謀於故河督栗公毓美廣疏下流殺水勢不數月告成栗時試宰河南與公最契豫中言吏治者並推甘栗云十八年調杞縣杞距省會逾百里絕少亭堠公植柳夾道夏日濃陰蔽天杞人刻石頌德劉蘭者兄弟豪滑爲大蠹公僞曰者裝入其巢細訪得實掩捕伏法有丐實父屍某甲後園甲待懇丐已訟於庭公徑擒李秀才一訊而服蓋李工書公課士時識其筆法丐牘中有秀才手蹟丐之爲則秀

才教之也二十三年署許州知州積獄凡數百件公剋期督屬數月悉予平反暇召賓客飲酒賦詩歌爲笑樂許州人立固園空虛碑於獄門明年復知杞縣大饑請賑兩月繼乃捐俸補賑全活甚衆秋三日雨黃河報險公防堵諸堤禱於神若有補苴罅漏者居民屋廬半圯樹杪隱隱見人形公束桴端浮大甕四令習水者載饌餅米鹽席几分給之兼晝夜造八船重價以招上游船愈多民藉以濟老幼男女賑粥異處病者給醫藥發倉穀平糶均市價既發粟而後以聞是役也慶再生者蓋數十萬人而公遽引疾歸施惠鄉邦出貲伏試禮部者

勤約堂文集

二

費爲邑節孝請旌建坊祠道光十六年邑大旱令才而賢既報災鄉民無知者聚衆譟於堂觸忤令將倒印以達上官公日夜請罪止其魁事祕不傳公之陰賜實多矣生平博觀羣書爲古文有法度尤究心金石文字隸書獨冠時流昔時安南貢使以兼金購之云爲其國所寶著有勤約堂文集十二卷四書存液論語翼金石碎跋漢隸異同如干卷娶楊氏吳氏先公卒三娶萬氏子三思軒思軾皆前歿季啟祥能以文學世其家公學主敬內慈祥而其用尙嚴平居無跛倚容中州之民多滑梗非重刑不得吐實不知者以酷疑公皆譌語也予

於公爲嫺黨後進每惜 朝廷未獲究公設施於是墓
已四年啟祥伐石請表墓之文公行事不勝書書其大
且著者

勤約堂文集

三

勤約堂文集目錄

卷一 序

修韶山書院序

建財神廟序

修會盟臺序

趙致中秀才時藝序

盧容庵通議古文序

戴方波詩序

黃寓貞先生讀書則序

吳生秀波醫案序

勤約堂文集 目錄

海天如意圖序

竹深荷淨圖序

拜梅圖序

朱蘊山小像序

卷二 序

送王匡苗省親永北序

送趙鑑堂先生調任粵東廉訪序

送劉文學泰初北遊序

楊氏五修族譜序

南岡謝氏族譜序

東者阮氏族譜序

節烈貞孝譜序

重修官洲義渡序

代

吉定義渡齒錄序

卷三 序

吳慎齋五十壽序

黃龍山明府七十壽序

楊砥川上舍七十壽序

劉澹園學博七十壽序

朱蓮亭明府七十壽序

勤約堂文集

目錄

二

侯葵亭上舍七十壽序

蕭靜安秀才八十壽序

江母鄧太宜人七十壽序

謝母周太孺人八十有五壽序

節孝劉母陳太孺人九十壽序

卷四 記

修關帝廟中庭記

重修八蜡祠記

修昭濟侯雷公廟記

相國寺種樹記

修劉文烈公祠記

修杞縣護城堤記

重修三聖閣碑記

杞縣護城堤種樹記

樵一先生祠堂記

卷五 記

愛竹公享堂記

致亭公享堂記

修古陂橋面石記

息園記

勤約堂文集

目錄

三

歸雲亭記

再遊大伍山記

遊百泉記

遊華山相山記

卷六 書

與王七宣先生書

再與王七宣先生書

三與王七宣先生書

與王匡苗書

與盧容庵通議論邵子易卦橫圖書

復謝慎齋書

與殷東橋太守書

卷七 書

與謝拜賡論義倉善後事宜書

再與謝拜賡論救荒書

與族人論詠謙公系傳書

與族人論正顯公名書

卷八 傳

阮未安處士傳

楊敬齋上舍家傳

勤約堂文集 目錄

四

贈文林郎宋君敬夫家傳

黃虛齋先生傳贊

族警愚處士傳

族邦中處士傳

楊宜人傳

鄭烈女傳

卷九 跋 書後 論 說

跋王匡苗明府詩集

跋健齋先生通鑑彙事抄

書周櫟園先生自書詩後

書宗莊恪公五十壽詩卷後

書靖安劉劍光孝廉六十自述後

書朱何耕錄二叟語後

書學相公傳後

刳股論

金杞縣說寄太康孫二學坡

卷十 頌 箴 像贊 碑

瑞梧堂頌 并序

嘉禾頌 并序

敬義堂箴 并序

勤約堂文集 目錄

五

式南明經像贊 有序

衷厚田像贊 有序 代

黃鼇山明府像贊 并序

自題像贊

重修禹王廟碑

重修楊勤慈公祠堂碑

重建袁溪甘氏宗祠碑

卷十一 墓誌銘 墓表 祭文 行述

修職郎東鄉縣教諭陳君拙甫墓誌銘

奉直大夫靈寶縣知縣楊君雲庵墓誌銘

清代詩文集彙編

六

鍵四公墓誌

吳宜人墓誌銘

令安公墓表

祭夏蘊亭明經文

祭劉勉齋明府文

祭朱蓮亭明府文

先考致亭府君行述

先妣蔡孺人行狀

卷十二 雜著

雷公廟禱雨紀事

勤初堂文集 目錄

六

京邸紀事

杞縣救水災口紀

道光辛卯五月六日大水紀事

勸施米湯約

扶持保義倉約 規條附

右文一百二篇先大夫手定者十之三啟祥錄

存者十之七經同邑謝進士蘭生校閱分爲十

二卷自道光己亥秋月開雕至庚子冬工竣蓋

距先大夫去世已四年矣不孝把卷涕溢不知

所云謹序其始末如此

男啓祥謹識

汝水何秀川書字
進邑劉均錫鐫板

勤初堂文集 目錄

七

勤約堂文集卷一

崇仁 甘揚聲 實求

序

修韶山書院序

韶山書院縣治舊制也閱歲既久老屋支打日剝月墮四壁蕭然予到官三載捐廉命生員段東隅宋璟瞻等度材鳩匠闕者以補圯者以樹凡堂廡門室窗櫺几席沈沈翼翼靡不具備又爲增置月廩以佐薪米迺得揖諸生而進之俾鼓篋肄學於其中予維古昔三代自邦畿都邑以迄州黨鄉閭莫不立學王太子王子卿大夫

勤約堂文集卷一

元士之適子以迄國之俊選莫不受學學非徒獵弋名譽馳驟詞章已也其術詩書其習禮樂其道仁義忠信其事君臣父子夫婦昆弟朋友其業天地古今山川社稷人民事物故約諸全體則養其德性器識可進於聖賢推諸大用則本其才力智能可副乎家國天下之任蓋凡所以爲學之旨大要由此今之學者芟棄根本剽竊浮華泛鶩乎語言文字之末浸尋乎汗漫支離之習是揚子所謂繡其聲悅管子所謂飛蓬不實也澠邑地居穀澗士風近古果孰取而孰舍歟亦孰從而孰違歟抑說者有言韶者美也歲所爲稱韶華也韶紹也舜紹

堯德樂所爲作韶箎也今書室以韶山名諸生顧名思義得毋劇目怵心撫念韶華而少壯努力乎且

國家承平久矣笙鏞琴瑟之音耳可得而聽焉綴兆干羽之容目可得而寓焉后讓尹諧之風濟濟乎與爲旅進而旅退焉鳳儀獸蹕之休于于乎與爲龔鼓而軒舞焉諸生勉乎哉

聖天子在上和聲鳴盛幸毋老此風雨一椽也

勤約堂文集

卷一

建財神廟序

財者生民之大命。夏禹謨陳六府兼土與穀。商箕疇紀入政首食與貨。蓋以養民之原道莫先此。是故聖人重之。粵稽周禮。法制綦備。而理財居半。其生財之法。耕以任農。樹以任圃。財以任工。市以任商。畜以任牧。山澤以任虞。衡絲泉以任嬪。婦是豈委瑣纖屑沾沾日用云爾哉。凡以開其財之源而導其財之流也。天下一人有一人之職。一物有一物之利。一人就閒則一職就曠。一物就靈則一利就廢。逸周書曰。農不出必乏其食。工不出必乏其事。商不出必三寶絕。虞不出必材匱。賈誼曰。

勤約堂文集

卷一

三

一夫不耕或受之饑。一女不織或受之寒。此自然之理。必至之符者。故帝王在上而國無捐瘠。非能求財以益民。惟能使地無遺利而已。非能驅民以取財。惟能使民無餘力而已。澠邑地踰百里。山地去一石地又去一田。僅半之有奇。然生齒日益繁。植物日益眾。苟使生穀之土盡墾。山澤之利盡出游閒之侶盡著本室處之儔盡。食力則人養其生。俗安其業。眾職具舉。百貨時敘。固將蓄積漸富。而民用大裕。且豈僅此已也。民貧則易為非。民裕則樂為善。樂為善則心性安心。性安則禮節起。七月之詩曰。朋酒斯饗。日殺羔羊。躋彼公堂。稱彼兕觥。萬

壽無疆。言場功既畢。奉上而祝壽也。載芟之詩曰。有飴其香。邦家之光。有椒其馨。胡考以宜。言百穀既登。養老而盡禮也。良耜之詩曰。其崇如墉。其比如櫛。以開百室。百室盈止。婦子寧止。言所積既密。室家宜而交相慶也。甫田之詩曰。饁彼南畝。田畯至喜。攘其左右。嘗其旨否。言取饋相嘗。倫類接而交相洽也。夫奉上之情生。斯忠愛之心篤。而君臣有義矣。養老之情生。斯孝敬之念敦。而父子有親矣。室家相慶。斯康樂和平。而夫婦有順矣。倫類相洽。斯睦嫺任卹。而兄弟朋友有序與信矣。上古盛世大順大同。盜賊不作。外戶不閉。力不必其為己貨。

勤約堂文集

卷一

四

不必其藏己者。獨非繇此也。歟。邑故未有財神廟。余特創之。蓋謂安民裕國。神于是司。歲時用享。亦主先。耆而祭司。齊享農郵。而祭坊庸之義也。

修會盟臺序

澠池舊有會盟臺秦昭王與趙惠文王盟所也邑眾重修之而請序于予予惟當日秦以趙懷璧故遣使期會蓋實包藏禍心耳藺相如者與廉頗計趣君徑往卒履險如夷保其身以濟其君斯所謂勇而有智謀者也顧說者譏之謂趙先不宜不予璧既不予璧即不宜往會既往會即不宜口舌爭此死而無悔暴虎馮河之所爲者夫不宜不與璧近矣而謂不宜往與不宜爭則懦夫腐儒之談也秦期會而趙不往是曲在趙又示以弱且怯恐不浹旬而師旅見告矣抑秦趙會日秦既辱趙而趙咄咄遽退秦必失笑玩諸股掌又不轉睫而趙王已授首矣是固情勢之所易見者也且夫見可而進知難而退智也可親而不可刼可近而不可迫勇也身爲臣子光輔吾君有敵而不能量爲無智有敵而不能禦爲無勇相如輔趙君與會秦以鼓瑟強趙相如亦以擊缶強秦秦之羣臣曰請以趙十五城爲秦王壽相如亦曰請以秦咸陽爲趙王壽折衝樽俎身圖俱泰猶得不謂之智且勇乎顧或又曰當相如強秦王使秦王勿憚卒不擊鉞遽因此兵趙王奈何曰相如已籌之熟矣相如曰五步之內臣請得以頸血濺大王斯時相如已近秦

勤約堂文集

卷一

五

王○前○左○右○即○欲○加○刃○其○若○秦○王○何○且○趙○王○來○會○日○廉○頗○臨○境○與○談○亦○盛○陳○師○以○待○兩○敵○相○對○秦○自○不○能○輕○趙○趙○王○既○歸○國○而○秦○終○不○敢○加○兵○無○他○勝○謀○先○定○壯○氣○先○奪○也○抑○又○推○之○後○世○劉○項○互○爭○亦○勢○不○相○敵○者○鴻○門○一○宴○沛○公○徑○往○何○繇○卒○返○孔○子○大○聖○人○詎○必○試○君○於○險○而○夾○谷○之○會○齊○強○魯○弱○齊○以○萊○人○刼○魯○孔○子○命○士○兵○之○遂○返○汶○陽○之○田○而○不○爲○犂○彌○所○料○豈○不○以○智○勇○哉○相○如○雖○不○敢○上○擬○孔○子○較○之○子○房○樊○噲○何○多○讓○焉○有○智○勇○則○安○無○智○勇○則○危○彼○因○人○碌○碌○者○慎○毋○輕○與○國○家○事○也○

勤約堂文集

卷一

六

清代詩文集彙編

趙致中秀才時藝序

予攝篆湯陰趙生正學偕二子進謁出其時藝相質今春子攝篆祥符因公過湯陰生父子復衷文來謁較之前作增其半噫亦勤矣中州天下之巨都也南北朝有鄭氏三父子幼麟爲中書景伯爲黃門儋伯爲祭酒皆以文章顯宋有三王伯厚與弟應鳳俱中博學宏詞科後出守徽州與父攜先後以清白知名伯厚著作尤富如通鑑地理通釋困學紀聞小學紺珠皆賡炙藝苑者也趙生勉乎哉以生之父子兄弟刻苦自厲沈潛經史由是而進焉炳炳烺烺令見者望而知爲寶貴安知不勤約堂文集卷一

與三鄭三王後先輝映也

七

盧容庵通議古文序

字雲巢三盛與翠微峯三魏均以古文名天下後百餘年而張閏楊陳竹門李白村王七宣諸公蒸蒸繼起武盧固多古文之士哉歲庚戌予遊學灌城與先生之弟來庵友善見其學有本原因知先生之爲人爲學有古儒者風朱抑齋陳夢岳亦稱道不置口而予獨抱高山仰止之思恨無由就正也辛酉春晤先生於都門誘掖備至若以予爲可造就落第後出仕中州歷十餘年而先生奉

命督學河南予以屬吏禮見光風霽月若在京邸時庚

勤約堂文集卷一

八

辰秋予引疾寓汴城時晉謁先生出所著古文命序夫古文不一有詞章之文有道德之文有經濟之文所稟有沈潛高明所學有淺深大小所遇有貴賤通塞蓋未可概論也先生性情肫摯踐履篤實爲文之根柢既厚而寢饋饜飫深造自得充積而有餘中歲登甲科爲部曹比年受

仁廟特達之知洊歷諫垣躋階九列凡吁謨入告輒蒙恩俞此其所稟所學與三魏三盛有同有不同而所遇殆將過之故其文淵然而深黝然而光粹然一衷於至正人之視之也如端人正士凜然不可犯如春風和氣

之被於物藹然而可親不必規規於王曾歐陽而以諸鄉先輩之法求之無不合所謂有道德而能文章者舍先生其誰與歸子學殖謫陋不足以知先生之文姑以昔所聞於朱抑齋陳夢岳李白村三君子之論以就正於先生併質諸來庵以爲何如聞來庵著書等身子遂初歸里將與來庵遨遊於匡廬彭蠡間上下古今人才縱觀而細論也

勤約堂文集

卷一

九

戴方波詩序

嘉慶癸酉秋子宰杞見公廨屏帳多雲樵先生書詢知爲杞故尉戴公作嘆其能書而位不顯也嗣戴方波以後進禮來謁自述其家世知爲雲樵先生次子吐屬雋雅有士君子風因留司筆墨越歲吳尉師玠延爲書記歲時伏臘每至署飲酒賦詩從不一語及公事然性喜博博則必輸人爲方波難之方波曰人生貴適意何用錢刀爲意氣自若也庚辰師玠歸山陰子亦因病解組寓汴城方波依依不忍離住子旅邸數月其友查秋槎邀赴延津將行出其詩集以質覽之清而腴秀而不俗可以傳矣延津鄭廩延地子曾治其邑民敦儉樸士尙詩書子在任不及八月去後已十五年至今往來其地多送迎者可見風俗之厚武公善善遺意猶存方波訪酸棗碑登韓王臺與父老子弟談論舊邑幸得失將作詩歌美德乎抑誦羔裘之詩思古君子以刺失乎若風雨雞鳴蕭蕭廖廖空館相思我與人諒有同情也他日相見請爲君歌鄭風曰云胡不夷云胡不喜方波必有佳篇以和之矣

勤約堂文集

卷一

十

黃寓貞先生讀書則序

古者鄉黨之中有庠校之設而德行文學兼優者始爲師其教以六德六行六藝爲要其道自修身齊家治國平天下無不通故其時士足以備公卿大夫之選而庶民亦皆知謹身節用以養父母以保其家以貽其子孫後法不由古師道因以不立然漢時耆名高義開門受徒者編牒不下萬人猶轉相傳祖莫或訛雜人識君臣父子之綱家知違邪歸正之路至於章句漸疏浮華相尙是末師而非往古思弋獲以爲身圖士之聰明樸茂者皆汨沒於衣食利祿之地而不能成其材又其甚者

勤約堂文集

卷一

十一

家擁厚貲輕疎儒術面牆而立不識臧否而觸羅網喪身家者比比也禍敗所從來亦多故矣又豈獨如楊子所云譎譎之學各習其師也哉撫州朱陸象山以師道自任發天性之良嚴義利之辨四方學者喁喁然爭向風慕義元時吳草廬繼起取象山之學而昌明之三代兩漢之師法雖限於時拘於勢不克復行而其書具存其法猶在循而行之將所謂師道立則善人多善人多則朝廷正而天下治者豈不信歟黃寓貞含章生象山草廬之鄉高風介節行著於鄉鄰望重於橫宇教授數十年門徒甚盛夫道德精者其詞粹閱歷深者其語詳

客歲郵寄讀書則一編公餘取而讀之因淑身以淑世重稽古而求道眞象山草廬兩先生之學吾知其服膺已久矣他日者矯俗厲薄反之純古上智可以遠到中材可以自與下愚可以自守三代兩漢之師道不且大盛於今日哉

勤約堂文集

卷一

十一

吳生秀波醫案序

古人不能爲良相卽願爲良醫蓋上醫醫國其次醫人
醫固濟世之大端也雖然今之爲醫者問以素問甲乙
經及吾家伯宗所撰伏義至唐一百二十人書目皆茫
然莫辨其源閒有能讀扁鵲倉公諸書者於人之血脈
經絡骨髓陰陽表裏似亦可得其要第古今異軌古方
析病不相能病萬變而方不變不幾於讀父書而不得
其解耶若夫逞私意執偏見者其於古人書固自謂能
變化也然心不精脈視不見垣加以好勝之心剛僻之
習雖或顯名於時以古之良醫律之則大相刺謬王臨
勤○約○堂○文○集○卷一
川○相○國○讀○書○一○過○目○終○身○不○忘○乃○以○周○官○泉○府○之○法○誤○
蒼○生○豈○非○執○拗○階○之○戾○哉○吳○生○秀○波○少○時○從○予○學○制○舉○
文○筆○意○清○通○子○方○目○爲○大○器○顧○困○童○子○試○垂○三○十○年○幾○
得○復○失○後○遂○究○心○醫○理○博○覽○羣○書○兼○綜○條○貫○復○靜○氣○凝○
神○察○問○病○之○本○原○脈○之○微○奧○用○古○而○不○泥○古○用○心○而○能○
虛○心○太○史○公○所○云○盡○見○五○臟○癥○結○者○秀○波○其○近○之○辛○卯○
春○月○以○所○編○醫○案○質○於○予○予○喜○其○可○以○濟○世○也○因○勸○令○
付○梓○公○諸○同○好○漢○書○藝○文○志○曰○論○病○以○及○國○原○診○以○知○
政○秀○波○卽○未○克○大○用○於○世○觀○其○撫○息○脈○調○陰○陽○未○始○不○
足○以○識○其○志○學○之○所○存○苟○能○推○是○心○進○而○不○已○則○古○之○

良○醫○可○馴○至○焉○秀○波○勉○之○

海天如意圖序

舉天下難涉之境。我涉之以意。則渾乎與元氣俱灝乎。與造物遊。況於海乎。何君涵川之言曰。吾少讀木元虛海賦。幻怪萬狀。心甚怖焉。曠懷之士。竟以一粟渺之。則又何說。且吾歷宦海凡十五年矣。風濤險巇。曷可勝數。顧古謂忠信者涉川之機。失其意。蹄涔一駭浪也。得其意。尾闕一泡影也。吾蕩滌百慮。安往而不自得。吾一日夢之海上。上下天光。浩淼無際。相與放乎中流。虛境皆實。夫且可以居。蜃樓可以策。義馭可以躡。蓬頂可以被。雲錦采石華。可以騎。長鯨狎羣鷗。可以食。安期之棗。可勤約堂文集卷一十五

竹深荷淨圖序

刺史何君容谷山陰傑人也。予宦中州十餘年。相與往來者久矣。一日出竹深荷淨圖索題。絹盈數尺。颯颯風生。客各葛衣羽扇。兀坐一榻。竹林荷沼之傍。茶烟嫋嫋。迴得事外遠致。予初披是圖。疑與容谷之爲人不類。士固有材不樂爲世用。甘自屏跡於煙霞泉石間者。若迺久宦歸田。形骸頓適。或繞茂樹以追涼。或濯清泉以見志。亦會有時也。予家有息園。在相山書院之西。有竹有荷。可以畱客。可以納涼。今容谷宏才卓犖。中州士大夫。旣傳其政績爲牧民者法。又以從軍功晉秩太守。所謂與渤海潁川比烈者。惟容谷是望。而容谷亦慨然以時務爲己任。則雖欲居寬閒之地。游寂寞之濱。以獨樂其樂。庸可得乎。然容谷更事日多。渾渾不見圭角。公退每右置史左列圖。專以立品勤學勗子若姪。其畱客以廣三益也。如竹之虛而能受。其納涼以滌炎態也。如荷之潔而不污。是圖之作。固自適己意哉。他時功業卓就。退而買園數畝。環以湖山。偃仰一室。追憶數十年宦途。同異又得忘形交數人。相與歡呼觴詠。其閒此樂又易量耶。